

外集  
詩騷賦

王陽明集五

五十一

特 別  
013  
3196  
6



門 口 13  
3196  
6

陽明先生文錄卷之一

外集

賦騷六首

太白樓賦

丙辰

歲丙辰之孟冬兮，泛扁舟予南征。凌濟川之驚濤兮，覽層構乎任城。曰太白之故居兮，儼高風之猶在。蔡侯導余以從陟兮，將放觀乎四海。木蕭蕭而亂下兮，江浩浩而無窮。鯨敖敖而湧海兮，鵬翼翼而承風。月生輝於采石兮，日留景於嶽峯。蔽長煙乎天姥兮，渺匡廬之雲松。慨昔人之安在兮，吾將上下求索。而不可蹇予，雖非白之儔兮，遇季真之知我。羗後人之視

昭和十七年  
四月二十日  
購求

自  
年  
窮  
慨

今兮。又烏知其不果。吁嗟太白公。奚為其居此兮。余  
奚為其復來。倚穹霄。以流盼兮。固千載之一哀。昔夏  
桀之顛覆兮。尹退乎莘之野。成湯之立賢兮。迺登庸  
而伐夏。謂鼎俎其要說兮。維黨人之擠。詎曾聖哲之  
匡時兮。夫焉前枉而直後。當天寶之末代兮。淫好色  
以信讒。惡來妹喜其猖獗兮。眾皆狐媚以貪婪。判獨  
毅而不顧兮。爰命夫以僕妾之役。寧直死以頌頌兮。  
夫焉患得而局促。開元之紹基兮。亦遑遑其求理。生  
逢時以就列兮。固雲臺。麟閣而容與。夫何漂泊于天  
之涯兮。登斯樓乎延。信流俗之嫉妬兮。自前世而

况  
涵

才  
後  
出  
原

固然。懷夫子之故。卬兮。沛余涕之潏潏。廟堂之偃蹇  
兮。或非情之所好。惟不合於斯世兮。恣沉酣而遠眺。  
進吾不遇於武丁兮。退吾將顏氏之簞瓢。奚藥其  
昏迷兮。亦夫子之所逃。管仲之輔紂兮。孔聖與其改  
行。佐璘而失節兮。始以見道之未明。覩夜郎之有作  
兮。橫逸氣以徘徊。亦初心之無他兮。故雖悔而弗摧。  
吁嗟其誰無過兮。抗直氣之為難。輕萬乘於褐夫兮。  
固孟軻之所嘆。曠絕代而相感兮。望天宇之漫漫。去  
夫子其千祀兮。世益隘以周容。媒婦妾以馳騫兮。又  
從而為之吮癰。賢者化而改度兮。競規曲以為同嶧。

仁  
親  
通  
知

此  
可  
以  
見  
子  
之  
純  
敦

山青青兮河流瀉。風颼颼兮澹平野。凭高樓兮不見舟。楫紛紛兮樓之下。舟之人兮儼服。亦有庶幾。夫子之蹤者。

九華山賦

王戌

循長江而南下。指青陽以幽討。啓鴻濛之神秀。發九華之天巧。非效靈於坤軸。孰構竒於玄造。涉五溪而徑入。宿無相之窈窕。訪王生於邃谷。掬金沙之清潦。凌風雨乎半霄。登望江而遠眺。步千仞之蒼壁。俯龍池於深窅。吊謫仙之遺跡。躋化城之縹緲。飲鉢盂之朝露。見蓮花之孤標。扣雲門而望天柱。列仙舞於晴

昊儼雙椒之闢門。真人駕陽雲而獨躋。翠蓋平臨乎石照。綺霞掩映乎天姥。二神升於翠微。九子隣於積稻。炎燄起於玉甌。爛石碑之文藻。回澄秋於枕月。建少微之星旌。覆甌承滴翠之餘瀝。展旗立雲外之旌纛。下安禪而步逍遙。覽雙泉於松杪。踰西洪而憇黃石。懸百丈之灑灑。瀨流觴而縈紆。遺石船於澗道。呼白鶴於雲峯。釣嘉魚於龍沼。倚透碧之峴岬。謝塵寰之紛擾。攀齊雲之巉峭。鑑琉璃之浩漾。沿東陽而西歷。殫九節之蒲草。樵人導余以冥探。排碧雲之瑤島。群巒翳其繆藹。失陰陽之昏曉。垂七布之沉沉。靈龜

隱而復佻履高僧而屨招賢開白日之杲杲試胡茗  
於春陽汲垂雲之淵湫凌繡壁而據石屋何文殊螺  
髻之蟠紆梯拱辰而北盼墮遺光於拾寶緇棠迺於  
黃袍休圓寂之幽俏烏乎春於叢篁和雲韶之鶯囀  
喚起促余之晨興落星河於簷椽護山嘎其驚飛恠  
遊人之太早攬卉木之如濯被晨暉而爭姣靜鏡聲  
之剝啄幽人鬪參蔽於冥杏碧雞歲於青林鷗翻雲  
而失皓隱搗藥於樛蘿挾提壺餅焦而翔繞鳳凰承  
盃冠以相遺飲沆瀣之仙醪羞竹實以嬉翺集梧枝  
之嬾嬾嵐欲雨而霏霏鳴濕濕於藟葆躡三遊而轉

青峭拂天香於茫渺席泓潭以濯纓浮桃瀉而揚縞  
淙澌澌而落蔭飲猿猱之捷狡睨斧柯而昇大還望  
會仙於雲表憫子京之故宅歎知微之碧桃倏金光  
之閃映睫累景於穹坳弄玄珠於赤水舞千尺之潛  
蛟並花塘而峻極散香林之迴飈撫浮屠之突兀泛  
五釵之翠濤襲玳芳於絕巘裊金步之搖搖莎羅躑  
躑芬敷而燦燿幢玉女之妖嬌牽龍鬚於靈寶墮鉢  
囊之飄飄開仙掌於嶽嵌散青馨之迢迢披白雲而  
蹠崇壽見叅錯之僧寮日既夕而山冥掛星辰於窿  
嶽宿南臺之明月虎夜嘯而羆鳴鹿麋群遊於左右

愛世深  
立身  
道俱  
笑矣

若將侶幽人之岑寥迥高寒其無寐聞冰壑之洞簫  
溪女厲晴瀧而曝木雜精苓之春苗邀予觴以玉液  
飯玉粒之瓊瑤盍辭余而遠去颯霞裾之飄飄復中  
峯而悵望或仙蹤之可招廼下見陽陵之蜿蜒忽有  
感於子明之宿要逝予將遺世而獨立採石芝於層  
霄雖長處於窮僻廼求離乎厖囂彼蒼黎之緝緝固  
吾生之同胞苟顛連之能濟吾豈靳於一毛矧狂胡  
之越獬王師局而奔勞吾寧不欲請長纓於闕下快  
平生之鬱陶顧力微而任重懼覆敗於或遭又出位  
以圖遠將無訥於鷦鷯嗟有生之迫隘等滅沒於風

壯哉

自  
口

泡亦富貴其奚為猶榮舜之一朝曠百世而興感蔽  
雄傑於蓬蒿吾誠不能同草木而腐柯又何避乎群  
喙之呶呶已矣乎吾其韞風霆而騎日月被九霞之  
翠袍搏鵬翼於北溟釣三山之巨鰲道崑崙而息駕  
聽王母之雲璈呼浮丘於子晉招勾曲之三茅長遨  
遊於碧落共大虛而逍遙亂曰蓬壺之藐藐兮列仙  
之所逃兮九華之矯矯兮吾將於此巢兮匪塵心之  
足攬兮念鞠育之劬勞兮苟初心之可紹兮永矢弗  
撓兮

吊屈平賦

丙寅

小集

易月之錄卷二

五

正德丙寅某以罪謫貴陽取道沅湘感屈原  
之事爲文而吊之其詞曰

山黯慘兮江夜波風颼颼兮木落森柯汎中流兮焉  
泊湛椒醕兮吊湘纍雲冥冥兮月星蔽晦水峻嶒兮  
霰又下纍之宮兮安在悵無見兮愁予高岸兮嶽崎  
紛糾錯兮樛枝下深淵兮不測穴瀕洞兮蛟螭山岑  
兮無極空谷鈴訝兮迥寥寂猿秋啾兮吟雨熊羆嗥  
兮虎交蹟念纍之窮兮焉托處四山無人兮駭狐鼠  
魑魅遊兮群跳嘯瞰出入兮爲纍效穴嫉纍正直兮  
反詆爲殃昵比上官兮子蘭爲滅幽叢薄兮疇侶懷

故都兮增傷望九疑兮參差就重華兮陳辭沮積雪  
兮礪道絕洞庭渺邈兮天吹如迷要彭咸兮江潭召申  
屠兮使騷娥鼓瑟兮馮夷舞聊遨遊兮湘之浦乘回  
波兮泊蘭渚睠故都兮獨延佇君不還兮郢爲墟心  
壹鬱兮欲誰語郢爲墟兮函嶠亦焚讒鬼逋戮兮快  
不酬冤歷千載兮耿忠愍君可復兮排帝閤望遁跡  
兮渭陽箕罹囚兮其祥以狂艱貞兮晦明懷若人兮  
將予退藏宗國淪兮摧腑肝忠憤激兮中道難勉低  
回兮不忍溘自沉兮心所安雄之謏兮讒喙衆狂穉  
兮謂纍揚已爲魑爲魅兮爲讒媵妾纍視若鼠兮佞

然有

穎有泚。纍忽舉兮雲中龍。旂旄濶兮颼風橫四海兮。倏忽駟玉虬兮上衝降。望兮大壑山川蕭條兮。濟寥廓逝遠去兮無窮。懷故都兮蜷局。亂曰。日西夕兮沅湘流。楚山嵯峨兮無冬秋。纍不見兮涕泗。世愈隘兮孰知我憂。

思歸軒賦

庚辰

陽明子之官于虔也。解之後喬木蔚然。退食而望若處深麓而遊於其鄉之園也。構軒其下而名之曰思歸焉。門人相謂曰。歸乎。夫子之役役於兵革而汲汲於微縲也。而靡寒暑焉。而靡昏朝焉。而髮蕭蕭焉。而

亦憂

色焦焦焉。雖其心之固囂囂也。而不免於嗷嗷焉。嗷嗷焉。亦奚為乎稿中竭外。而徒以勞勞焉。為乎哉。且長谷之迢迢也。窮林之寥寥也。而耕焉而樵焉。亦焉往而弗宜矣。夫退身以全節。大知也。斂得以亨道。大時也。怡神養性以遊於造物大熙也。又夫子之夙期也。而今日之歸。又奚以思為乎哉。則又相謂曰。夫子之思歸也。其亦在陳之懷歟。吾黨之小子。其狂其簡。俛俛然若瞽之無與偕也。非吾夫子之歸。孰從而裁之乎。則又相謂曰。嗟乎。夫子而得其歸也。斯土之人為失其歸矣。乎天下之大也。而皆若是焉。其誰與為

外集

陽明先生集卷一

七



考家  
經籍  
本二句  
焦叔

理乎。雖然夫子而得其歸也。而後得於道。惟夫天下  
之不得於道也。故若是其賢賢。夫道得而志全。志全  
而化。理化而人安。則夫斯人之徒。亦未始為不得  
其歸也。而今日之歸。又奚疑乎。而奚以思為乎。陽明  
子聞之。憮然而嘆曰。吾思乎。吾思乎。吾親老矣。而暇  
以他為乎。雖然之言也。其始也。吾私焉。其次也。吾資  
焉。又其次也。吾幾焉。乃援琴而歌之。歌曰。歸兮歸兮。  
又奚疑兮。吾行日非兮。吾親日衰兮。胡不然兮。日思  
予旋兮。後悔可遷兮。歸兮歸兮。二三子之言兮。

啓言

丙寅

正德丙寅冬十一月守仁以罪下錦衣獄省  
愆內訟時有所述既出而錄之

何玄夜之漫漫兮。悄予懷之獨結。嚴霜下而增寒兮。  
皦明月之在隙。風唼唼以憎木兮。鳥驚呼而未息。魂  
營營以惘恍兮。目窅窅其焉極。懍寒飈之中人兮。杳  
不知其所自。夜展轉而九起兮。沾予襟之如泗。胡定  
省之弗遑兮。豈荼甘之如薺。懷前哲之耿光兮。耻周  
容以為比。何天高之冥冥兮。孰察予之衷。予匪戚於  
累囚兮。措匪予之為。恫沛洪波之浩浩兮。造雲阪之  
濛濛。稅予駕其安止兮。終予去此其焉從。孰瘳瘳之

小集

易月之卷二

在頸兮謂累足之何傷熏日而弗顧兮惟盲者以為  
常孔訓之服膺兮惡訐以為直辭婉變期巷遇兮豈  
予言之未力皇天之無私兮鑒予情之靡他寧保身  
之弗知兮膺斧鑕之謂何蒙出位之為愆兮信愚忠  
而蹈亟苟 聖明之有裨兮雖九死其焉恤亂曰予  
年將中歲月邁兮深谷崆峒逝息遊兮飄然凌風八  
極周兮孰樂之同不均憂兮匪修名崇仁之求兮出  
處時從天命何憂兮

祈雨辭

正德丙子  
南贛作

嗚呼十日不雨兮田且無禾一月不雨兮川且無波

減桑  
禱

一月不雨兮民已為疴再月不雨兮民將奈何小民  
無罪兮天無咎民撫巡失職兮罪在予臣嗚呼盜賊  
兮為民大屯天或罪此兮赫威降噴民則何罪兮玉  
石俱焚嗚呼民則何罪兮天何遽怒油然興雲兮雨  
茲下土彼罪曷逋兮哀此窮苦

歸越詩三十六首

弘治壬戌年以刑部  
主事告病歸越作

遊牛峯寺四首

牛峯今改  
名浮峯

洞門春靄閉深松飛磴纏空轉石峯猛虎踞厓如出  
柙斷螭蟠頂訝懸鐘金城絳闕應無處翠壁丹書尚  
有踪天下名區皆一到此山殊不厭來重

對犬  
絕倒

紫紆鳥道入雲松下數湖南百二峯巖犬吠人時出  
樹山僧迎客自鳴鐘凌巖陟險真扶病異日探竒是  
舊踪欲扣靈關問丹訣春風蘿薜隔重重  
偶尋春寺入層峯曾到渾疑入夢中飛鳥去邊懸棧  
道馮夷宿處有幽宮溪雲晚度千巖雨海月涼飄萬  
里風夜擁蒼厓卧丹洞山中亦自有王公  
一卧禪房隔歲心五峯煙月聽猿吟飛湍映樹懸蒼  
玉香粉吹松落細金歲壁年多霜蘚合石牀春盡雨  
花深勝遊過眼俱陳迹珍重新題滿竹林

又四絕句

翠壁看無厭山池坐益清深林落輕葉不道是秋聲

其二

惟石有千窟老松多半枝清風灑巖洞是我再來時

其三

人間酷暑避不得清風都在深山中池邊一坐即三  
日忽見巖頭碧樹紅

其四

兩到浮峯興轉劇醉眠三日不知還眼前風景色色  
異惟有人聲似世間

姑蘇吳氏海天樓次鄺尹韻

身以水  
觀

晴雪吹寒春事濃江樓三月尚殘冬青山暗逐回廊  
轉碧海真成捷徑通風暖簷牙雙燕劇雲深簾幙萬  
花重倚闌天北疑回首想像丹梯下六龍

山中立秋日偶書

風吹蟬聲亂林卧驚新秋山池靜澄碧暑氣亦已收  
青峯出白雲突兀成瓊樓袒裼坐溪石對之心悠悠  
倏忽無定態變化不可求浩然發長嘯忽起雙白鷗

夜雨山翁家偶書

山空秋夜靜月明松檜涼沿溪步月色溪影搖空裳  
山翁隔水語酒熟呼我嘗褰衣涉溪去笑引開竹房

是田家  
如多然非

生亦無  
有此

謙言值暮夜盤食百無將露華明橘柚摘獻冰盤香  
洗盞對酬酢浩歌入蒼茫醉拂巖石卧言歸遂相忘

尋春

十里湖光放小舟謾尋春事及西疇江鷗意到忽飛  
去野老情深只自流薄暮草香含雨氣九峯晴色散  
溪流吾儕是處皆行樂何必蘭亭說舊遊

西湖醉中謾書二首

十年塵海勞魂夢此日重來眼倍清好景恨無蘇老  
筆乞歸徒有賀公情白鳥飛處青林晚翠壁明邊反  
照晴爛醉湖雲宿湖寺不知山月墮江城

身入不自  
也

外集  
天陽明  
卷一  
掩映紅粧莫謾猜。隔林知是藕花開。共君醉卧不須  
到。自有香風拂面來。

九華山下柯秀才家

蒼峯抱層嶂。翠瀑繞雙溪。下有幽人宅。蘿深客到迷。  
夜宿無相寺

春宵卧無相。月照五溪花。掬水洗雙眼。披雲看九華。  
巖頭金佛國。樹杪謫仙家。彷彿聞笙鶴。青天落絳霞。

題四老圍棋圖

世外煙霞亦許時。至今風致後人思。却懷劉項當年  
事。不及山中一着棋。

無相寺三首

老僧巖下屋。繞屋皆松竹。朝聞春鳥啼。夜伴巖虎宿。

其二

坐望九華碧。浮雲生曉寒。山靈應秘惜。不許俗人看。

其三

靜夜聞林雨。山靈似欲留。只愁梯石滑。不得到峯頭。

化城寺六首

化城高住萬山深。樓閣憑空上界侵。天外清秋度。明  
月人間微雨結。浮陰鉢龍降處雲生座。巖虎歸時風  
滿林。最愛山僧能好事。夜堂燈火伴孤吟。

其二  
雲裏軒窓半上鈎。望中千里見江流。高林日出三更曉。幽谷風多六月秋。仙骨自懷何日化。塵緣翻覺此生浮。夜深忽起蓬萊興。飛上青天十二樓。

其三  
雲端鼓角落星斗。松頂袈裟散雨花。一百六峯開碧漢。八十四梯踏紫霞。山空仙骨葬金榔。春暖石芝抽玉芽。獨揮談麈拂煙霧。笑天地真無涯。

其四  
化城天上寺。石磴入星躔。雲外開丹井。峯頭耕石田。

月明猿聽偈。風靜鶴參禪。今日揩雙眼。幽懷二十年。  
其五

僧屋煙霏外。山深絕世譁。茶分龍井水。飯帶石田砂。香細雲嵐雜。窓高峰影遞。林棲無一事。終日弄丹霞。  
其六

突兀開穹閣。氤氳散曉鍾。飯遺黃稻粒。花發五釵松。金骨藏靈塔。神光照遠峯。微茫竟何是。老衲話遺踪。

李白祠二首

千古人豪去。空山尚有祠。竹深荒舊徑。蘚合失殘碑。雲雨羅文藻。溪泉繫夢思。老僧殊未解。猶自索題詩。

其二

謫僊棲隱地，千載尚高風。雲散九峯雨，巖飛百丈虹。寺僧傳舊事，詞客吊遺踪。回首蒼茫外，青山感慨中。

雙峰

凌崖望雙峰，蒼茫竟何在。載拜西北風，為我掃浮靄。

蓮花峰

夜靜涼飈發，輕雲散碧空。玉鈎掛新月，露出青芙蓉。

列仙峰

靈峭九萬丈，參差生曉寒。僊人招我去，揮手青雲端。

雲門峰

雲門出孤月，秋色坐蒼濤。夜久群籟絕，獨照宮錦袍。

芙蓉閣

青山意不盡，還向月中看。明月歸城市，風塵又馬鞍。

其二

巖下雲萬重，洞口桃千樹。終歲無人來，惟許山僧住。

書梅竹小畫

寒倚春霄蒼玉杖，九華峰頂獨歸來。何家草亭深雪裏，却有梅花傍竹開。

山東詩六首

弘治甲子年起復  
試山東時作

登泰山五首

家山

曉登泰山道行行入烟霏  
陽光散巖壑秋容淡相輝  
雲梯掛青壁仰見蛛絲微  
長風吹海色飄飄送天衣  
峰頂動笙樂青童兩相依  
振衣將往從凌雲忽高飛  
揮手若相待丹霞閃餘暉  
凡軀無健羽悵望未能歸

二

天門何崔嵬下見青雲浮  
泱泱絕人世迥豁高天秋  
暝色從地起夜宿天上樓  
天鷄鳴半夜日出東海頭  
隱約蓬壺樹縹緲扶桑洲  
浩歌落青冥遺響入滄流  
唐虞變楚漢滅沒如風漚  
藐矣鶴山僊秦皇豈堪求  
金砂費日月頽顏竟難留  
吾意在龐古冷然馭涼颼

相期廣成子太虛顯遨遊  
枯槁向巖谷黃綺不足儔

三

窮厓不可極飛步凌烟虹  
危泉瀉石道空影垂雲松  
千峯互攢簇掩映青芙蓉  
高臺倚巉削傾側臨崆峒  
失足墮烟霧碎骨顛厓中  
下愚竟難曉摧折紛相從  
吾方坐日觀披雲笑天風  
赤水問軒后蒼梧吐重瞳  
隱隱落天語閭闔開玲瓏  
去去勿復道濁世將焉窮

四

塵網苦羈縻富貴真露草  
不如騎白鹿東遊入蓬島  
朝登太山望洪濤隔縹緲  
陽輝出海雲來作天門曉

戒失脚

雄偉

高勝



遙見碧霞君。翩翩起員嶠。玉女紫鸞笙。雙吹入晴昊。  
舉首望不及。下拜風浩浩。擲我玉虛篇。讀之殊未了。  
傍有長眉翁。一一能指道。從此煉金沙。人間跡如掃。

五

我才不救時。匡扶志空大。置我有無間。緩急非所賴。  
孤坐萬峯巔。哈然遺下塊。已矣復何求。至精諒斯在。  
澹泊匪虛杳。灑脫無芥蒂。世人聞予言。不笑即吁恠。  
吾亦不強語。惟復笑相待。魯叟不可作。此意聊自快。

泰山高次王內翰司獻韻

歐生誠楚人。但識廬山高。廬山之高。猶可計。尋丈岩

李年雄  
李色雄

奇絕古

夫泰山仰視恍惚。吾不知其尚在青天之下乎。其已  
直出青天上。我欲倣擬試作泰山高。但見丘垤之見  
未能測識。高大筆底難具狀。扶輿磅薄元氣鍾。突兀  
半遮天地。東南衡北恒。西有華。俯視偃僕誰爭雄。人  
寰茫昧乍隱見。雷雨初解開。鴻濛繡壁丹梯烟。霏靄  
霽海日初湧。照耀蒼翠平。麓遠抱滄海。灣日觀正與  
扶桑對。聽濤聲之下瀉。知百川之東會。天門石扇豁  
然中開。幽崖邃谷。巖積隱埋。中有遊世之流。龜潛  
伏。殮霞吸秀於其間。往往恠譎多僊才。上有百丈之  
飛湍。懸空絡石穿雲而直下。其源疑自青天來。巖頭

絕  
地  
方  
地  
絕  
是  
久  
地  
尚  
有  
教  
文  
字  
凡

膚寸出烟霧。湏臾滂沱遍九垓。古來登封七十二主。後來相效紛紛如雨。玉檢金函無不為。只今埋沒如何許。但見白雲猶復起。封中斷碑無字。天外日日磨。剛風飛塵過眼。倏忽飄蕩。豈復留其踪。天空翠華遠。落日辭千峯。魯郊獲麟岐陽會。鳳明堂既毀。闕宮典頌宣尼。曳杖逍遙。一去不復來。幽泉嗚咽而含悲。群巒拱揖如相送。俯仰宇宙千載相望。墮山喬嶽尚被其光。峻極配天。無敢頡頏。嗟予瞻眺門墻外。何能彷彿窺室堂也。來攀附躡遺跡。三千之下不知亦許。再拜占未行。吁嗟乎泰山之高其高不可極。半壁回首。此身不覺已在東斗傍。

京師詩八首

弘治乙丑年政除兵部主事時作

憶龍泉山

我愛龍泉寺。寺僧頗踈野。盡日坐井欄。有時卧松下。一夕別山雲。三年走車馬。媿殺巖下泉。朝夕自清瀉。

憶諸弟

別龍山雲時。夢龍山雨覺。來枕篔簹涼。諸弟在何許。終年走風塵。何似山中住。百歲如轉蓬。拂衣從此去。

寄舅

老舅近何如。心性老不改。世故惱情懷。光陰不相待。

易月之長卷二

出自有  
味  
想見友  
才心臨友  
妙在空家

常

借問同輩中。鄉隣幾人在。從今且為樂。清事無勞悔。

送人東歸

五洩佳山水。平生思一遊。送子東歸省。尊鱸况復秋。幽探須及壯。世事苦悠悠。來歲春風裏。長安憶故丘。

寄西湖友

予有西湖夢。西湖亦夢予。三年成濶別。近事竟何如。况有諸賢在。他時終卜廬。但恐吾歸日。君還軒冕拘。

贈陽伯

陽伯即伯陽。伯陽竟安在。大道即人心。萬古未嘗改。長生在求仁。金丹非外待。繆矣三十年。于今吾始悔。

故山

鑑水終年碧。雲山盡日閑。故山不可到。幽夢每相關。霧豹言長隱。雲龍欲共攀。緣知丹壑意。未勝紫宸班。

憶鑑湖友

長見人來說。扁舟每獨遊。春風梅市晚。月色鑑湖秋。空有煙霞好。猶為塵世留。自今當勇往。先與報江鷗。

獄中詩十四首

正德丙寅年十二月以上疏忤逆瑾下錦衣獄作

不寐

天寒歲云暮。冰雪關河迫。幽室魍魎生。不寐知夜永。驚風起林木。驟若波浪洶。我心良匪石。詎為戚欣動。

外集

易月之錄卷二

六

滔滔眼前事，逝者去相踵。厓窮猶可陟，水深猶可泳。  
焉知非日月，胡爲亂予衷。深谷自逶迤，煙霞日  
匡時在賢達，歸哉盍耕墉。

有室七章

有室如篋，周之崇墉。室如穴處，無秋無冬。  
耿彼屋漏，天光入之。瞻彼日月，何嗟及之。  
倏晦倏明，淒其以風。倏雨倏雪，當晝而蒙。  
夜何其矣，靡星靡粲。豈無白日，寤寐未嘆。  
心之憂矣，匪家匪室。或其啓矣，殞予匪恤。  
氤氳其埃，日之光矣。淵淵其鼓，朝旣昌矣。

朝旣式矣，日旣夕矣。攸心攸我思，曷其極矣。

讀易

囚居亦何事，省愆懼以久。飽暝坐玩義，易洗心見微奧。  
乃知先天翁，畫畫有不工。教包蒙戒爲寇，童牯事宜早。  
蹇蹇匪爲節，虢虢未違道。遯四獲我心，蠱上庸自保。  
俛仰天地間，觸目俱浩浩。簞瓢有餘樂，此意良匪矯。  
幽哉陽明麓，可以忘吾老。

歲暮

兀坐經旬成木石，忽驚歲暮還思鄉。高簷白日不到地，  
深夜黠鼠時登床。峯頭霽雪開草閣，瀑下古松閒。

石房溪鶴洞猿爾無恙春江歸棹吾相將

見月

屋罅見明月還見地上霜客子夜中起旁皇涕沾裳  
匪為嚴霜苦悲此明月光月光如流水徘徊照高堂  
胡為此幽室奄忽踰飛揚逝者不可及來者猶可望  
盈虛有天運嘆息何能忘

天涯

天涯歲暮水霜結未巷人稀冝象遊長夜星辰瞻閣  
道曉天鐘鼓隔雲樓思家有淚仍多病報主無能合  
遠投留得昇平雙眼在且應簑笠卧滄洲

屋罅月

幽室不知年夜長晝苦短但見屋罅月清光自虧滿  
佳人宴清夜繁絲激哀管朱閣出浮雲高歌正凄婉  
寧知幽室婦中夜獨愁嘆良人事遊俠經歲去不反  
來歸在何時年華忽將晚蕭條念宗祀淚下長如霰

別友獄中

居常念朋舊簿領成濶絕嗟我二三友胡然此簪盍  
累累囹圄間講誦未能輟桎梏敢忘罪至道良足悅  
所恨精誠眇尚口徒自蹶天王本明聖旋已但中  
熱行藏未可期明當與君別願言毋詭隨努力從前

先生自

俞

忠

哲

赴謫詩五十五首

正德丁卯年赴謫  
貴陽龍場驛作

答汪抑之三首

去國心已恫，別子意彌惻。伊邇怨昕夕，况茲萬里隔。  
戀戀岐路間，執手何能默。子有昆弟居，而我遠親側。  
回思菽水懽，羨子何由得。知子念我深，夙夜敢忘惕。  
良心忠信資，蠻貊非我戚。

北風春尚號，浮雲正南馳。風雲一相失，各在天一涯。  
客子懷徃路，起視明星稀。驅車赴長阪，迢迢入嵐霏。  
旅宿蒼峽底，霧雨昏朝暉。彌間關不足道，嗟此白日微。

切磋懷良友願言毋心違

聞子賦茆屋來歸，在何年索居。間楚越，連峯鬱參天。  
緬懷巖中隱，磴道窮扳緣。江雲動蒼壁，山月流澄川。  
朝採石上芝，暮漱松間泉。鷺湖有前約，鹿洞多遺編。  
寄子春鴻書，待我秋江船。

陽明子之南也，其友湛元明歌九章以贈崔子鍾和之，以五詩於是。陽明子作八詠以答之。

君莫歌九章，歌以傷我心。微言破寥寂，重以離別吟。  
別離悲尚淺，言微感逾深。瓦缶易諧俗，誰辯黃鐘音。

其二

君莫歌五詩歌之增離憂豈無良朋侶洵樂相遨遊  
譬彼桃與李不爲倉困謀君莫忘五詩忘之我焉求

其三

洙泗流浸微伊洛僅如綫後來三四公瑕瑜未相掩  
嗟予不量力跋蹙期致遠屢興還屢仆惴息幾不免  
道逢同心人秉節倡予敢力爭毫厘間萬里或可勉  
風波忽相失言之淚徒泫

其四

此心還此理寧論已與人千古一嗑吸誰爲嘆離群  
浩浩天地內何物非同春相思輒奮勵無爲俗所分

身物一体

但使心無間萬里如相親不見宴遊交徵逐胥以淪

其五

器道不可離二之即非性孔聖欲無言下學從泛應  
君子勤小物蘊蓄乃成行我誦窮索篇於子旣聞命  
如何園中土空谷以爲靜

其六

靜虛匪虛寂中有未發中中有亦何有無之即成空  
無欲見真體忘助皆非功至哉玄化機非子孰與窮

其七

憶與美人別贈我青琅函受之不敢發焚香始開楫

外集  
元明與予有衡嶽羅浮之期賦南遊以申約  
諷誦意彌遠期我濂洛間道遠恐莫致庶幾終不慚

其八

憶與美人別惠我雲錦裳錦裳不足貴遺我冰雪腸  
寸腸亦何遺誓言終不渝珍重美人意深秋以爲期

南遊三首

元明與予有衡嶽羅浮之期賦南遊以申約也

南遊何迢迢蒼山亦南馳如何衡陽鴈不見燕臺書  
莫歌澧浦曲莫吊湘君祠蒼梧煙雨絕從誰問九疑

其二

九疑不可問羅浮如可攀遥拜羅浮雲莫以雙瓊環  
渺渺洞庭波東逝何時還人生不努力草木同衰殘

其三

洞庭何渺茫衡嶽何崔嵬風飄迴鴈雪美人歸未歸  
我有紫瑜珮留掛芙蓉臺下有蛟龍峽往往興雲雷

憶昔答喬白巖因寄儲柴墟三首

憶昔與君約玩易探玄微君行赴西嶽經年始來歸  
方將事窮索忽復當遠辭相去萬里餘後會安可期  
問我長生訣惑也吾誰欺盈虧消息間至哉天地機  
聖狂天淵隔失得分毫厘



其二

毫厘何所辯，惟在公與私。公私何所辯，天動與人為。遺體豈不貴，踐形乃無虧。願君崇德性，問學刊支離。毋為氣所役，毋為物所疑。恬澹自無欲，精專絕交馳。博奕亦何事，好之甘若飴。吟咏有性情，喪志非所宜。非君愛忠告，斯語容見嗤。試問柴墟子，吾言亦何如。

其三

柴墟吾所愛，春陽溢鬢眉。白巖吾所愛，慎默長如愚。二君廊廟器，予亦山泉姿。度量較齒德，長者皆吾師。置我五人末，庶亦忘崇卑。迢迢萬里別，心事兩不疑。

北風送南鴈，慰我長相思。

一日懷抑之也，抑之之贈既嘗答，以二詩意若有歉焉，是以賦也。

一日復一日，去子日以遠，惠我金石言，沉鬱未能展。人生各有際，道誼尤所眷。嘗嗤兒女悲，憂來仍不免。緬懷滄洲期，聊以慰遲晚。

其二

遲晚不足嘆，人命各有常。相去忽萬里，河山鬱蒼蒼。中夜不能寐，起視江月光。中情良自抑，美人難自忘。

其三

美人隔江水彷彿若可覩風吹蒹葭雪飄蕩知何處  
美人有瑤瑟清奏含太古高樓明月夜惆悵爲誰鼓  
夢與抑之昆季語湛崔皆在焉覺而有感因紀  
以詩三首

夢與故人語語我以相思才爲旬日別宛若三秋期  
令弟坐我側屈指如有爲須臾湛君至崔子行相隨  
肴醑旋羅列語笑如平時縱言及微奧會意忘其辭  
覺來復何有起坐空嗟咨

其二

起坐憶所夢默溯猶歷歷初談自有形繼論入無極

無極生往來往來萬化出萬化無停機往來何時息  
來者胡爲信往者胡爲屈微哉屈信間子午當其窟  
非子盡精微此理誰與測何當衡廬間相携玩羲易

其三

衡廬曾有約相携尚無時去事多翻覆來踪豈前知  
斜月滿虛牖樹影何參差林風正蕭瑟驚鵲無寧枝  
邈彼二三子怒焉勞我思

因雨和杜韻

晚堂踈雨暗柴門忽入殘荷瀉石盆萬里滄江生白  
髮幾人燈火坐黃昏客途最覺秋先到荒徑惟憐菊

尚存却憶故園耕釣處。短簑長笛下江村。

赴謫次比新關喜見諸弟

扁舟風雨泊江關。兄弟相看夢寐間。已分天涯成死別。寧知意外得生還。投荒自識君恩遠。多病心便吏事閒。携汝耕樵應有日。好移茅屋傍雲山。

南屏

溪風漠漠南屏路。春服初成病眼開。花竹日新僧已老。湖山如舊我重來。層樓雨急青林迥。古殿雲晴碧嶂迴。獨有幽禽解相信。雙飛時下讀書臺。

卧病靜慈寫懷

卧病空山春復夏。山中幽事最能知。雨晴階下泉聲急。夜靜松間月色遲。把卷有時眠白石。解纓隨意濯清漪。吳山越嶠俱堪老。正柰燕雲繫遠思。

移居勝果寺二首

江上但知山色好。峰迴始見寺門開。半空虛閣有雲住。六月深松無暑來。病肺正思移枕簟。洗心兼得遠塵埃。富春咫尺烟濤外。時倚層霞望釣臺。

病餘巖閣坐朝暝。異景相新得未聞。日脚倒明千頃霧。雨聲高度萬峯雲。越山陣水當吳嶠。江月隨潮上海門。便欲携書從此老。不教猿鶴更移文。

憶別

憶別江干風雪陰。艱難歲月兩侵尋。重看骨肉情何  
限。況復斯文約舊深。賢聖可期先立志。塵凡未脫謾  
言心。移家便住烟霞壑。綠水青山長對吟。

泛海

險夷原不滯胷中。何異浮雲過太空。夜靜海濤三萬  
里。月明飛錫下天風。

武夷次壁間韻

肩輿飛度萬峯雲。回首滄波月下聞。海上真爲滄水  
使。山中又遇武夷君。溪流九曲初諳路。精舍千年始

及門歸去高堂慰。垂白細探更擬在春分。

草萍驛次林見素韻奉寄

山行風雪瘦能當。曾喜江花照野航。本與宦途成懶  
散。頗因詩景受閑忙。鄉心草色春同遠。客髮松梢晚  
更蒼。料得烟霞終有分。未須連夜夢溪堂。

玉山東嶽廟遇舊識嚴星士

憶昨東歸亭下路。數峯簫管隔秋雲。肩輿欲到妨多  
事。鼓柁重來會有云。春夜絕憐燈節近。溪聲最好月  
中聞。行藏無用君平卜。請看沙邊鷗鷺群。

廣信元夕蔣太守舟中夜話

樓臺燈火水西東。簫鼓星橋渡碧空。何處忽談塵世外。百年惟此月明中。客途孤寂渾常事。遠地相求見古風。別後新詩如不惜。衡南今亦有飛鴻。

夜泊石亭寺用韻呈陳婁諸公因寄儲柴墟都憲及喬白巖太常諸友

廿年不到石亭寺。惟有西山只舊青。白拂掛墻僧已去。紅闌照水客重經。沙村遠樹凝春望。江雨孤篷入夜聽。何處故人還笑語。東風啼鳥夢初醒。

悵望沙頭成久坐。江洲春樹何青青。烟霞故國虛夢想。風雨客途真慣經。白壁屢投終自信。朱絃一絕好

誰聽扁舟心事滄浪舊。從與漁人笑獨醒。

過分宜望鈴岡廟

共傳峰頂樹古廟有靈神。楚俗多尊鬼。巫言解惑人。望裡存舊典。捍禦及斯民。世事渾如此。題詩感慨新。

雜詩三首

危棧斷我前。猛虎尾我後。倒崖落我左。絕壑臨我右。我足復荆榛。雨雪更紛驟。邈然思古人。無悶聊自有。無悶雖足珍。警惕忘爾守。君觀真宰意。匪薄亦良厚。

其二

青山清我目。流水靜我耳。琴瑟在我御。經書滿我几。

指足踐坦道。悅心有妙理。頑冥非所懲。賢達何靡靡。乾乾懷往訓。敢忘惜分晷。悠哉天地內。不知老將至。

其三

羊腸亦坦道。太虛何陰晴。燈窗玩古易。欣然獲我情。起舞還再拜。聖訓垂明明。拜舞詎踰節。頓忘樂所形。歛衽復端坐。玄思窺沉冥。寒根固生意。息灰抱陽精。冲漠際無極。列宿羅紺青。旻夜深向晦。息始聞風雨聲。

袁州府宜春臺四絕

宜春臺上還春望。山水南來眼未嘗。却笑韓公亦多事。更從南浦羨滕王。

好字

臺名何事只宜春。山色無時不可人。不用煙花費粧點。儘教刊落儘嶙峋。

持修江藻拜祠前。正是春風欲暮天。童冠儘多歸詠興。城南兼說有溫泉。

古廟香燈幾許年。增修還費大官錢。至今楚地多風雨。猶道山神駕鐵船。

夜宿宣風館

山石崎嶇古轍痕。沙溪馬渡水猶渾。夕陽歸鳥投深麓。烟火行人望遠村。天際浮雲生白髮。林間孤月坐黃昏。越南冀北俱千里。正恐春愁入夢魂。

其

萍鄉道中謁濂溪祠

木偶相沿恐未真清輝亦復凜衣巾簿書曾屑乘田  
吏俎豆猶存畏壘民碧水蒼山俱過化光風霽月自  
傳神千年私淑心喪後下拜春祠薦渚蘋

宿萍鄉武雲觀

曉行山徑樹高低雨後春泥沒馬蹄翠色絕雲開遠  
嶂寒聲隔竹隱晴溪已聞南去艱舟楫漫憶東歸沮  
杖藜夜宿仙家見明月清光還似鑑湖西

醴陵道中風雨夜宿泗洲寺次韻

風雨偏從險道常深泥沒馬陷車箱虛傳鳥路通巴

蜀豈必羊腸在太行遠渡漸看連暝色晚霞會喜見  
朝陽水南昏黑投僧寺還理義編坐夜長

長沙答周生

旅倦憇江觀病齒廢談誦之子特相求禮殫意彌重  
自言絕學餘有志莫與共手持一編書披歷見肝衷  
近希小范踪遠爲賈生慟兵符及射藝方技靡不綜  
我方懲創後見之色亦動子誠仁者心所言亦屢中  
願子且求志蘊蓄事涵泳孔聖固遑遑與點樂歸詠  
回也王佐才閉戶避隣閔知子信美才大構中梁棟  
未當匠石求滋植務培壅愧子勤繕意何以相規諷

養心在寡欲。操存舍即縱。嶽麓何森森。遺址自南宋。  
江山足游息。賢迹尚堪踵。何當謝病來。士氣多沉勇。  
涉湘于邁嶽麓是。遵仰止先哲。因懷友生麗澤。

興感伐木寄言二首

客行長沙道。山川鬱稠繆。西探指嶽麓。凌晨渡湘流。  
踰岡復陟巘。吊古還尋幽。林壑有餘采。昔賢此藏修。  
我來寔仰止。匪伊事盤遊。衡雲開曉望。洞野浮春洲。  
懷我二三友。伐木增離憂。何當此來聚。道誼日相求。

其二

林間憇白石。好風亦時來。春陽熙百物。欣然得予懷。

緬思兩夫子。此地得徘徊。當年靡童冠。曠代登堂階。  
高情詎今昔。物色遺吾儕。顧謂二三子。取瑟爲我諧。  
我彈爾爲歌。爾舞我與偕。吾道有至樂。富貴真浮埃。  
若時乘大化。勿愧點與回。陟岡採松柏。將以遺所思。  
勿採松柏枝。兩賢昔所依。緣峰踐臺石。將以望所期。  
勿踐臺上石。兩賢昔所躋。兩賢去邈矣。我友何相違。  
吾斯未能信。役役空爾疲。胡不此簪盍。麗澤相遨嬉。  
渴飲松下泉。飢殮石上芝。偃仰絕餘念。遷客難久稽。  
洞庭春浪闊。浮雲隔九疑。江洲滿芳草。目極令人悲。  
已矣從此去。奚必茲山爲。戀繫乃從欲。安土惟隨時。



晚聞冀有得。此外吾何知。

遊嶽麓書事

醴陵西來涉湘水。信宿江城沮風雨。不獨病齒畏風濕。泥潦侵途絕行旅。人言嶽麓最形勝。隔水溟濛隱雲霧。趙侯需晴邀我遊。故人徐陳各傳語。周生好事屢來速。森森雨脚何由住。曉來陰翳稍披拂。便携周生涉江去。戒令休遣府中知。徒爾勞人更妨務。橘洲僧寺浮江流。鳴鐘出延立沙際。停橈一至答其情。三洲連綿亦佳處。行雲散漫浮日色。是時峯巒益開霽。亂流蕩槩濟倏忽。繫檝江邊老檀樹。岸行里許入麓

口。周生道子勤指顧。柳蹊梅堤存彷彿。道林林壑獨如故。赤沙想像虛田中。西嶼傾頽今冢墓。道鄉荒址留突兀。赫曦遠望石如鼓。殿堂釋菜禮從宜。下拜朱張息游地。鑿石開山面勢改。雙峯闕闕見江渚。聞是吳君所規畫。此舉良是反遭忌。九仞誰虧一簣功。嘆息遺基獨延佇。浮屠觀閣摩青霄。盤據名區遍寰宇。其徒素爲儒所擯。以此方之反多愧。愛禮思存告朔羊。况此實作匪文具。人云趙侯意頗深。隱忍調停旋修舉。昨來風雨破棟脊。方遣巧人補殘敝。予聞此語心稍慰。野人蔬蕨亦羅置。欣然一酌才舉盃。津夫走

報郡侯至此行隱跡何由聞遣騎候訪自吾寓潛來  
鄙意正爲此倉率行庖益勞費整冠出迓見兩蓋乃  
知王君亦同御肴羞層疊絲竹繁避席興辭懇莫拒  
多儀劣薄非所承樂闕觴周日將暮黃堂吏散君請  
先病夫沾醉須少憇入舟暝色漸微茫却喜順流還  
易渡嚴城燈火人已稀小巷曲折忘歸路僊宮酣倦  
成熟寐曉聞簷聲復如注昨遊偶遂寔天假信知行  
樂皆有數涉躡羊左儻夙好心尚有名山敢多慕齒角  
虧盈分則然行本于錐淹吾不惡

次韻答趙太守王推官

詰朝事虔謁玄右宿齋沐積霖喜新霽風日散清燠  
蘭撓渡芳渚半涉見水陸溪山儼新宇雷雨荒大麓  
皇皇絃誦區斯文昔炳郁興廢尚屯疑使我懷悱悞  
近聞牧守賢經營亟乘屋方舟爲予來飛蓋遙肅肅  
花絮媚晚筵韶景正柔淑浴沂諒同情及茲授春服  
令德倡高祠混珠愧魯目努力崇修名迂踈自巖谷

天心湖沮洳既濟書事

掛席下長沙瞬息百餘里舟人共揚眉予獨憂其駛  
日暮入沅江抵石舟果圯補敝詰朝發衝風遂齟齬  
暝泊後江湖蕭條旁壘壘月黑波濤驚蛟鼉互睥睨

外集  
陽明先生文錄卷之二  
三十一  
翌午風益厲，狼狽收斷汜。天心數里間，三日但遙指。  
甚雨迅雷電，作勢殊未已。溟溟雲霧中，四望渺涯涘。  
膏漿不得施，丁夫盡嗟噫。淋漓念同胞，吾寧忍暴使。  
饘粥且傾橐，苦甘吾與爾。衆意在必濟，糧絕亦均死。  
憲陵向高浪，吾亦詎容止。虎怒安可撓，志同稍足倚。  
且令並岸行，試涉湖濱汜。收舵幸無事，風雨亦浸弛。  
逡巡緣沮洳，迤邐就風勢。新漲翼回湍，倏忽逝如矢。  
夜入武陽江，漁村穩堪艤。糴市謀晚炊，且爲衆人喜。  
江醪信滴濁，聊復盪胸臆。津濟險在需，時微倖豈常理。  
爾輩勿輕生，偶然非可恃。陽明先生文錄卷之二

陽明先生文錄卷之二

外集

居夷詩一百十一首

去婦嘆五首

楚人有間於新娶而去其婦者，其婦無所歸，  
去之山間，獨居懷綫，不忘終無他適。予聞其  
事而悲之，爲作去婦嘆。

委身奉箕箒，中道成棄捐。蒼蠅間白壁，君心亦何愆。  
獨嗟貧家女，素質難爲妍。命薄良自喟，敢忘君子賢。  
春華不再艷，頽魄無重圓。新歡莫終恃，令儀慎周還。

其二

詩以  
人臣  
心口  
此

外集

陽明先生文錄卷之二



外集  
依違出門去。欲行復遲遲。鄰姬盡出別。強語含辛悲。  
陋質容有繆。放逐理則宜。姑老籍相慰。缺乏多所資。  
妾行長已矣。會面當無時。

其三

妾命如草芥。君身比琅玕。奈何以妾故。廢食懷憤寃。  
無爲傷姑意。燕爾且爲歡。中厨存宿旨。爲姑備朝飧。  
畜育意千緒。倉率徒悲酸。伊邇望門屏。益從新人言。  
夫意已如此。妾還當誰顏。

其四

去矣勿復道。已去還躊躇。鷄鳴尚聞響。犬戀猶相隨。  
感此摧肝肺。淚下不可揮。岡回行漸遠。日落群鳥飛。  
群鳥各有托。孤妾去何之。

其五

空谷多淒風。樹木何蕭森。浣衣澗水合。採苓山雪深。  
離居寄巖穴。憂思托鳴琴。朝彈別鶴操。暮彈孤鴻吟。  
彈苦思彌切。嶺岼隔雲岑。君聽甚明哲。何因聞此音。

羅舊驛

客行日日萬峰頭。山水南來亦勝遊。布谷鳥啼村雨  
暗。刺桐花暝石溪幽。蠻煙喜過青楊瘴。鄉思愁經芳  
杜洲。身在夜郎家萬里。五雲天北是神州。

沅水驛  
辰陽南望接沅州碧樹林中古驛樓遠客日憐風土  
異空山惟見瘴雲浮耶溪有信從誰問楚水無情只  
自流却幸此身如野鶴人間隨地可淹留

鐘鼓洞

見說水南多異迹巖頭時有鼓鐘聲空遺石壁千年  
在末信金沙九轉成遠地星辰瞻北極春山明月坐  
深更年來夷險還忘却始信羊腸路亦平

平溪館次王文濟韻

山城寥落閉黃昏燈火人家隔水村清世獨便吾職

易窮途還賴此心存蠻煙瘴霧承相往翠壁丹崖好  
共論畎畝投閑終有日小臣何以答君恩

清平衛即事

積雨山途喜乍晴煖雲浮動水花明故園日與青春  
遠敝緼涼思白苧輕烟際卉衣窺絕棧時土苗峰頭  
戍角隱孤城華夷節制嚴冠履漫說殊方列省卿

興隆衛書壁

山城高下見樓臺野戍參差暮角催貴竹路從峰頂  
入夜郎人白日邊來鶯花夾道驚春老雉蝶連雲向  
晚開尺素屢題還屢擲衛南那有鴈飛回

有取

自以

移

。七盤

鳥道縈紆下七盤古藤蒼木峽聲寒境多奇絕非吾  
土時可淹留是謫官猶記邊烽傳羽檄近聞苗俗化  
衣冠投簪實有居夷志垂白難承菽水權

初至龍場無所止結草菴居之

草菴不及肩旅倦體方適開棘自成籬土階漫無級  
迎風亦蕭疎漏雨易補緝靈瀨嚮朝湍深林疑暮色  
群獠環聚訊語罷意頗質鹿豕且同遊茲類猶人屬  
袍樽映尾豆盡醉不知夕緬懷黃唐化畧稱茅茨迹

始得東洞遂改爲陽明小洞天二首

神遊  
太古

古洞閔荒僻虛設疑相待披萊歷風磴移居快幽壘  
營炊就巖竇放榻依石壘穹室旋薰塞夷坎仍灑掃  
卷帙湯堆列樽壺動光彩夷居信何陋恬淡意方在  
豈不桑梓懷素位聊無悔

童僕自相語洞居頗不惡人力免結搆天巧謝雕鑿  
清泉傍廚落翠霧還成幕我輩日嬉偃主人自愉樂  
雖無檠戟榮且遠塵囂聒但恐霜雪凝雲深衣絮薄  
我聞莞爾笑周慮愧爾言上古處巢窟抔飲皆汗樽  
涇極陽內伏石穴多冬暄豹隱文始澤龍蟄身乃存  
豈無數尺椽輕裘吾不溫邈矣簞瓢子此心期與論

方集 卷二  
謫居糧絕請學于農將田南山永言寄懷  
謫居屢在陳從者有愠見山荒聊可田錢罇還易辦  
夷俗多火耕做習亦頗便及茲春未深數畝猶足佃  
豈徒實口腹且以理荒宴遺穗及鳥雀貧寡發餘羨  
出來在明晨山寒易霜霰

觀稼

下田既宜稔高田亦宜稷種蔬湏土疏種蕘湏土濕  
寒多不實秀暑多有螟螣去草不厭貧耘禾不厭密  
物理既可玩化機還默識即是參贊功毋為輕稼穡  
採蕨

採蕨西下山扳援陟崔嵬遊子望鄉國淚下心如摧  
浮雲塞長空頽陽不可回南歸斷舟楫北望多風埃  
已矣供子職勿更貽親哀

倚倚 命名奇

倚倚澗邊竹青青巖畔松直幹歷冰雪密葉留清風  
自期未相托雲壑無違踪如何兩分植憔悴嘆西東  
人事多翻覆有如道上蓬惟應歲寒意隨處還當同

南溟

南溟有瑞鳥東海有靈禽飛遊集上苑結侶珎樹林  
願言飾羽儀共舞簫韶音風雲忽中變一失難相尋

自謂

夕集  
卷三  
瑞鳥既遭磨，靈禽投荒岑。天衢雨雪積，江漢虞羅侵。  
哀哀鳴索侶，病翼飛未任。群鳥亦千百，誰當會其心。  
南嶽有竹實，丹溜青松陰。何時共棲息，永托雲泉深。  
溪水

溪石何落落，溪水何泠泠。坐石弄溪水，欣然濯我纓。  
溪水清見底，照我白髮生。年華若流水，一去無回停。  
悠悠百年內，吾道終何成。

龍岡新構

諸夷以予冗居，頗陰濕，請構小廬，欣然趨事。  
不月而成。諸生聞之，亦皆來集，請名龍岡書。

院其軒曰何陋

謫居聊假息，荒穢亦須治。鑿巖薙林條，小構自成趨。  
開牕入遠峰，架扉出深樹。墟寨俯逶迤，竹木互蒙翳。  
畦蔬稍漑鋤，花藥頗僦蒔。宴適豈專予，來者得同憩。  
輪奐匪致美，母令易傾敝。

營茅乘田隙，洽旬始苟完。初心待風雨，落成還美觀。  
鋤荒既開徑，拓樊亦理園。低簷避松偃，踈土行竹根。  
勿翦墻下棘，束列因可藩。莫擷林間蘿，蒙籠覆雲軒。  
素缺農圃學，因茲得深論。母爲輕鄙事，吾道固斯存。  
諸生來



簡滯動懼外廢幽得幸免夷居雖異俗野朴意所眷  
思親獨疚心疾憂庸自遣門生頗群集樽筆亦時展  
講習性所樂記問復懷覩林行或沿澗洞遊還陟巘  
月樹坐鳴琴雲牕卧披卷澹泊生道真曠達匪荒宴  
豈必鹿門栖自得乃高踐

西園

方園不盈畝蔬卉頗成列分溪免甕灌補籬防豕躡  
蕪草稍焚薙清雨夜來歇濯濯新葉敷熒熒夜花發  
放鋤息重陰舊書漫披閱倦枕竹下石醒望松間月  
起來步閑謔晚酌簷下設盡醉即草鋪忘與隣翁別

水濱洞

送遠憇沮谷濯纓俯清流沿溪涉危石曲洞藏深幽  
花靜馥常闕溜暗光亦浮平生泉石好所遇成淹留  
好鳥忽雙下儵魚亦群遊坐久塵慮息澹然與道謀

山石

山石猶有理山木猶有枝人生非木石別久寧無思  
愁來步前庭仰視行雲馳行雲隨長風飄飄去何之  
行雲有時定遊子無還期高粱始歸燕題鳩已先悲  
有生豈不苦逝者長若斯已矣復何事商山行采芝

無寐二首

烟燈暖無寐。憂思坐長往。寒風振喬林。葉落聞墮響。起窺庭月光。山空遊罔象。懷人阻積雪。崖冰幾千丈。

其二

窮厓多雜樹。上與青冥連。穿雲下飛瀑。誰能識其源。但聞清猿嘯。時見皓鶴翻。中有避世士。冥寂栖其巔。繫予亦同調。路絕難攀緣。

諸生夜坐

謫居澹虛寂。眇然懷同遊。日入山氣夕。孤亭俯平疇。草際見數騎。取徑如相求。漸近識顏面。隔樹停鳴騶。投轡鴈鷺進。携榼各有羞。分席夜堂夜。絳蠟清樽浮。

鳴琴復散帙。壺矢交觥籌。夜弄溪上月。曉陟林間丘。村翁或招飲。洞客借探幽。講習有真樂。談笑無俗流。緬懷風沂興。千載相為謀。

艾草次胡少叅韻

艾草莫艾蘭。蘭有芬芳姿。况生幽谷底。不礙君稻畦。艾之亦何益。徒令香氣衰。荆棘生滿道。出刺傷人肌。持刀忌觸手。睨視不敢揮。艾草酒艾棘。勿為棘所欺。

鳳鷓次韻答胡少叅

鳳雛生高厓。風雨摧其翼。養疴深林中。百鳥驚辟易。虞人視為妖。舉網爭彈弋。此本王者瑞。惜哉誰能識。

有

有

吾方哀其窮胡忍復相亟鳴梟據叢林驅鳥恣搏食  
嗟爾獨何心梟鳳如白黑

鸚鵡和胡韻

鸚鵡生隴西群飛恣鳴遊何意虞羅及充貢來中州  
金縷縻華屋雲泉謝林丘能言實階禍吞聲亦何求  
主人有隱志竊發聞其謀感君惠養德一語惠所酬  
懼君不見察殺身反為尤

諸生

人生多離別佳會難再遇如何百里來三宿便辭去  
有琴不肯彈有酒不肯御遠涉見深情寧予有弗顧

七 離 情 切

洞雲還自栖溪月誰同步不念南寺時寒江雪將暮  
不記西園日桃花夾川路相去倏幾月秋風落高樹  
富貴猶塵沙浮名亦飛絮嗟我二三子吾道有真趣  
胡不携書來茆堂好同住

遊來僊洞早發道中

霜風清木葉秋意生蕭疎衝星策曉騎幽事將有徂  
股蟲亂飛擲道狹草露濡傾暑特晨發征夫已先途  
浙米石間溜炊火巖中廬烟峰上初日林鳥相嚶呼  
意欣物情適戰勝癯色腴行樂信宇宙富貴非吾圖

別友

小集

易明之錄卷三

幽尋意方結，柰此世累牽。凌晨驅馬別，持盃且爲傳。  
相求苦非遠，山路多風煙。所貴明哲士，秉道非苟全。  
去矣崇令德，吾亦行歸田。

贈黃太守澍

歲宴鄉思切，客久親舊疎。卧疴閉空院，忽來故人車。  
入門辯眉宇，喜定還驚吁。遠行亦安適，符竹膺新除。  
荒郡號難理，况茲征索餘。君才素通敏，窘劇宜有紓。  
蠻鄉雖瘴毒，逐客猶安居。經濟非復事，時還理殘書。  
山泉足遊憩，鹿麋能友予。澹然穹壤內，容膝皆吾廬。  
惟縈垂白念，旦夕懷歸圖。君行勉三事，吾計終五湖。

寄友用韻

懷人坐沉夜，惟燈暖幽光。耿耿積煩緒，忽忽如有忘。  
玄景逝不處，朱炎化微涼。相彼谷中葛，重陰殞衰黃。  
感此遊客子，經年未還鄉。伊人不在目，絲竹徒滿堂。  
天深鴈書杳，夢短關塞長。情好矢無斃，願言覲終償。  
惠我金石編，德音激宮商。馳輝不可即，式爾增予傷。  
馨香襲肝膂，聊用中心藏。

秋夜

樹暝栖翼喧，螢飛夜堂靜。遙穹出晴月，低簷入峰影。  
窅然坐幽獨，休爾抱深警。年徂道無聞，心違迹未屏。

外集  
方陽明文集卷三  
蕭瑟中林秋雲凝松桂冷山泉豈無適離人懷故境  
安得駕雲鴻高飛越南景

採薪二首

朝採山上荆暮採谷中粟深谷多淒風霜露霑衣濕  
採薪勿辭辛昨來斷薪拾晚歸陰壑底抱甕還自汲  
薪水良獨勞不愧食吾力  
倚擔青厓際歷斧厓下石持斧起環顧長松百餘尺  
徘徊不忍揮俯略澗邊棘同行笑吾餒爾斧安用歷  
快意豈不能物材各有適可以相天子衆穉詎足識

龍岡漫興五首

投荒萬里入炎州却喜官卑得自由必在夷居何有  
陋身雖吏隱未忘憂春山卉服時相問雪塞藍輿每  
獨遊擬把犁鋤從許子謾將絃誦比言游  
旅况蕭條寄草堂虛簷落日自生涼芳春已共烟花  
盡孟夏俄驚草木長絕壁千尋凌杳靄深厓六月宿  
冰霜人間不有宣尼叟誰信申張未是剛  
路僻官卑病益閑空林惟聽鳥間關地無醫藥憑書  
卷身處蠻夷亦故山用世謾懷伊尹耻思家獨切老  
萊斑夢魂兼喜無餘事只在耶溪舜水灣  
卧龍一去忘消息千古龍岡漫有名草屋何人方管

樂桑間無耳聽咸英。江沙漠漠遺雲鳥。草木蕭蕭動  
甲兵。好共鹿門龐處士。相期採藥入青冥。  
歸與吾道在滄浪。顏氏何曾擊柝忙。枉尺已非賢者  
事。斷輪徒有古人方。白雲晚憶歸岩洞。蒼蘚春應遍  
石床。寄語峰頭雙白鶴。野夫終不久龍場。

答毛拙菴見招書院

野夫病卧成踈懶。書卷長拋舊學荒。豈有威儀堪法  
象。實慚文檄過稱揚。移居正擬投醫肆。虛席仍煩避  
講堂。範我定應無所獲。空令多士笑王良。

老檜

老檜斜生古驛傍。客來繫馬解衣裳。托根非所還憐  
汝。直幹不撓終異常。風雪凜然存節槩。聊爾見  
文章。何當移植山林下。偃蹇從渠拂漢蒼。

却巫

卧病空山無藥石。相傳土俗事神巫。吾行久矣將焉  
禱。衆議紛然反見迂。積習片言容未解。輿情三月或  
應孚。也知伯有能爲厲。自笑孫僑非大夫。

過天生橋

水光如練落長松。雲際天橋隱白虹。遼鶴不來華表  
爛。僊人一去石樓空。徒聞鵲駕橫秋夕。謾說秦鞭到

借  
身

海東移放長江還濟險可憐虛却萬山中

南霽雲祠

死矣中丞莫謾疑孤城援絕久知危  
賀蘭未滅空遺恨南八如生定有爲  
風雨長廊嘶鐵馬松杉陰霧捲靈旗  
英魂千載知何處歲歲邊人賽旅祠

春晴

林下春晴風漸和高巖殘雪已無多  
遊絲冉冉花枝靜青壁迢迢白鳥過  
忽向山中懷舊侶幾從洞口夢煙蘿  
客衣塵土終須換好與湖邊長芰荷

陸廣曉發

初日曛曛似晚霞雨痕新霽渡頭沙  
溪深幾曲雲初峽樹老千年雪作花  
白鳥去邊迴驛路青崖缺處見人家  
遍行奇勝才經此江上無勞羨九華

雪夜

天涯久客歲侵尋却屋新開楓樹林  
漸慣省言因病齒屢經多難解安心  
猶憐未繫蒼生望且得閒爲白石吟  
乘興最堪風雪夜小舟何日返山陰

元夕二首

故園今夕是元宵獨向蠻村坐寂寥  
賴有遺經堪作伴喜無車馬過相邀  
春還草閣梅先動月滿虛庭雪

未消堂上花燈諸弟集重闈應念一身遙  
去年今日卧燕臺銅鼓中宵隱地雷月傍苑樓燈彩  
淡風傳閣道馬蹄迴炎荒萬里頻回首羌笛三更謾  
自哀尚憶先朝多樂事孝皇曾為兩宮開

。家僮作紙燈

寒落荒村燈事賒蠻奴試巧剪春紗花枝綽約含輕  
霧月色玲瓏映綺霞取辦不徒酬令節賞心兼是惜  
年華何如京國王侯第一盞中人產十家

。白雲堂

白雲僧舍市橋東別院迴廊小徑通歲古簷松存獨

幹春還庭竹發新叢晴牕暗映群峰雪清楚長飄高  
閣風遷客從來甘寂寞青鞋時過月明中

。來僊洞

古洞春寒客到稀綠苔荒徑草萋萋書懸絕壁留僧  
偈花發層蘿繡佛衣壺榼遠從童冠集杖藜隨處宦  
情微石門遙鎖陽明鶴應笑山人久不歸

。木閣道中雪

瘦馬支離緣絕壁連峰窅窕入層雲山村樹暝驚鴉  
陣澗道雪深逢鹿群凍合衡茅炊火斷望迷孤戍暮  
加聞正思講席諸賢在絳蠟清醅坐夜分



元夕雪用蘇韻二首

林間暮雪定歸鴉。山外鈴聲報使車。玉盞春光傳柘葉。夜堂銀燭亂簷花。蕭條音信愁邊鴈。迢遞關河夢裏家。何日扁舟還舊隱。一簑江上把魚叉。

寒威入夜益廉纖。酒甕爐床亦戒嚴。久客漸憐衣有結。蠻居長嘆食無鹽。飢豺正爾群當路。凍雀從渠自宿簷。陰極陽回知不遠。蘭茝行見發春尖。

曉霽用前韻書懷二首

雙闕鐘聲起萬鴉。禁城月色滿朝車。竟誰詩詠東曹檜。正憶梅開西寺花。此日天涯傷逐客。何年江上却

還家曾無一字堪驅使。謾有虛名擬八義。

澗草巖花欲闢纖。溪風林雪故爭嚴。連岐盡說還宜麥。煮海何曾見作鹽。路斷慙憐無過客。病餘兼喜曝晴簷。謫居亦自多清絕。門外群峯玉笋尖。

次韻陸僉憲元日喜晴

城裏夕陽城外雪。相將十里異陰晴。也知造物曾何意。底是人心苦未平。栢府樓臺啣倒影。堦茨松竹瀉寒聲。布衾莫謾愁僵卧。積素還多達曙明。

元夕木閣山火

荒村燈夕偶逢晴。野燒峯頭處處明。內苑但知鰲作

嶺九門空說火爲城。天應爲我開竒觀。地有茲山不  
世情却恐炎威被。松柏休教玉石遂。同頽。

夜宿汪氏園

小閣藏身一斗方。夜深虛白自生光。梁間來下徐生  
榻。座上慚無荀令香。驛樹雨聲翻屋瓦。龍池月色浸  
書床。他年貴竹傳遺事。應說陽明舊草堂。

春行

冬盡西歸滿山雪。春初復來花滿山。白鷗亂浴清溪  
上。黃鳥雙飛綠樹間。物色變遷隨轉眼。人生豈得長  
朱顏。好將吾道從吾黨。歸把漁竿東海灣。

村南

花事紛紛春欲酣。杖藜隨步過村南。田翁開野教新  
犢。溪女分流浴種蠶。穉犬吠人依密槿。閑鳧照影立  
晴潭。偶逢江客傳鄉信。歸卧楓堂夢石龕。

山途二首

上山見日下山陰。陰欲開時日欲沉。晚景無多傷遠  
道。朝陽莫更沮雲岑。人歸暝市分漁火。客舍空林依  
暮禽。世事驗來還自領。古人先已得吾心。

南北驅馳任板輿。謫鄉何地是安居。家家細雨殘燈  
後。處處荒原野燒餘。江樹欲迷遊子望。朔雲長斷故

人書茂陵多病終蕭散。何事相如賦子虛。

白雲

白雲冉冉出晴峰。客路無心處處逢。已逐肩輿度青壁。還隨孤鶴下蒼松。此身愧爾長多繫。他日從龍漫托踪。斷鷺殘鴉飛欲盡。故山回首意重重。

答劉美之見寄次韻

休疑遷客迹全貧。猶有沙鷗日見親。勲業久辭滄海夢。煙花多負故園春。百年長恐終無補。萬里寧期尚得身。念我不勞傷鬢雪。知君亦欲拂衣塵。

寄徐掌教

徐穉今安在。空梁榻久懸。北門傾蓋日。東魯校文年。歲月成超忽。風雲易變遷。新詩勞寄我。不愧鳥鳴篇。

書庭蕉

簷前蕉葉綠成林。長夏全無暑氣侵。但得雨聲連夜靜。不妨月色半床陰。新詩舊葉題將滿。老艾疎梧恨共深。莫笑鄭人談訟鹿。至今醒夢兩難尋。

送張憲長左遷滇南大叅次韻

世味知公最飽諳。百年清德亦何慚。柏臺藩省官非左。江漢滇池道益南。絕域煙花憐我遠。今霄風月好誰談。交遊若問居夷事。爲說山泉頗自堪。

南菴次韻二首

隔水樵漁亦幾家。綠岡石路入溪斜。松林晚映千峰雨。楓葉秋連萬樹霞。漸覺形骸逃物外。未妨遊樂在天涯。頻來不用勞僧榻。已借汀鷗一席沙。

斜日江波動客衣。水南深竹見巖扉。漁人收網舟初集。野老忘機坐未歸。漸覺雲間栖翼亂。愁看天北暮雲飛。年年歲晚長為客。閒殺西湖舊釣磯。

觀傀儡次韻

處處相逢是戲場。何須傀儡夜登堂。繁華過眼三更夢。名利牽人一線長。穉子自應爭詫說。矮人亦復浪

悲傷。本來面目還誰識。且向樽前學楚狂。

徐都憲同遊南菴次韻

巖寺藏春長不夏。江花映日艷於桃。山陰入戶川光暮。林影浮空暑氣高。樹老豈能知歲月。溪清真可鑑秋毫。但逢佳景須行樂。莫遣風霜著鬢毛。

即席次王文濟少叅韻二首

搖落休教感客途。南來秋興未全孤。肝腸已自成金石。齒髮從渠變柳蒲。傾倒酒懷金谷罰。逼真詞格輞川圖。謫鄉莫道貧消骨。猶有新詩了舊逋。

此身未擬泣窮途。隨處翻飛野鶴孤。霜冷幾枝存晚

菊溪春兩度見新蒲荆西寇盜紆籌策湘北流移入  
畫圖莫怪當筵倍淒切誅求滿地促官逋

贈劉侍御二首

蹇以反身困以遂志今日患難正閣下受用  
處也知之則處此當自別病筆不能多及然  
其餘亦無足言者聊次韻某頓首劉侍御大  
人契長

相送溪橋未隔年相逢又過小春天憂時敢負君臣  
義念別羞爲兒女憐道自升沉寧有定心存氣節不  
無偏知君已得虛舟意隨處風波只晏然

夜寒

簷際重陰覆夜寒石爐松火坐更殘窮荒正訝鄉書  
絕險路仍愁歸夢難僊侶春風懷越嶠釣船明月負  
嚴灘未因謫宦傷憔悴容鬢還羞鏡裏看

冬至

客牀無寐聽潛雷珍重初陽夜半回天地未嘗生意  
息冰霜不耐鬢毛催春添袞線誰能補歲晚心丹自  
動灰料得重闈強健在早看消息報牕梅

春日花間偶集示門生

閒來聊與二三子單夾初成行暮春改課講題非我

俗

事研幾悟道是何人階前細草雨還碧簷下小桃晴  
更新坐起咏歌俱實學毫釐須遣認教真

次韻送陸文順僉憲

貴陽東望楚山平無奈天涯又送行杯酒豫期傾蓋  
日封書煩慰倚門情心馳魏闕星辰迥路遶鄉山草  
木榮京國交游零落盡空將秋月寄猿聲

次韻陸僉憲病起見寄

一賦歸來不願餘文園多病滯相如籬邊竹筍青應  
滿洞口桃花紅自舒荷蕒有心還擊磬周公無夢欲  
刪書雲間憲伯能相慰尺素長題問謫居

次韻胡少叅見過

旋營小酌典春裘佳客真慚竟日留長恠嶺雲迷楚  
望忽聞吳語破鄉愁鏡湖自昔堪歸老杞國何人獨  
抱憂莫訝臨花倍惆悵賞心原不在枝頭

雪中桃次韻

雪裏桃花強自春蕭疎終覺損精神却慚幽竹節逾  
勁始信寒梅骨自真遭際本非甘冷淡飄零須勝委  
風塵從來此事還希潤莫怪臨軒賞更新

舟中除夕二首

扁舟除夕尚窮途荆楚還憐俗未殊處處送神懸楮

馬家家迎歲換桃符江醪信薄聊相慰世路多岐謾  
自吁白髮頻年傷遠別綵衣何日是庭趨  
遠客天涯又歲除孤航隨處亦吾廬也知世上風波  
滿還戀山中木石居事業無心從齒髮親交多難絕  
音書江湖未就新春計夜半樵歌忽起予

○ 淑浦山夜泊

淑浦山邊泊雲間見驛樓灘聲迴遠樹崖影落中流  
柳放新年綠人歸隔歲舟客途時極目天北暮陰愁

過江門崖

三年謫宦沮鬱氛天放扁舟下楚雲歸信應先春鴈

到開心期與白鷗群晴溪欲轉新年色蒼壁多遺古  
篆文此地從來山水勝它時回首憶江門

辰州虎溪龍興寺聞楊名父將到留韻壁間

杖藜一過虎溪頭何處僧房是惠休雲起峯頭沉閣  
影林疎地底見江流煙花日煖猶含雨鷗鷺春閒欲  
滿洲好景同來不同賞詩篇還爲故人留

○ 武陵潮音閣懷元明

高閣憑虛臺十尋捲簾疎雨動微吟江天雲鳥自來  
去楚澤風煙無古今山色漸疑衡嶽近花源欲問武  
陵深新春尚沮東歸楫落日誰堪話此心

閣中坐雨

臺下春雲及寺門，懶夫睡起正開軒。  
烟蕪漲野平堤綠，江雨隨風入夜喧。  
道意蕭疎慚歲月，歸心迢遞憶鄉園。  
年來身迹如漂梗，自笑迂痴欲手援。

霽夜

雨霽僧堂鐘磬清，春溪月色特分明。  
沙邊宿鷺寒無影，洞口流雲夜有聲。  
靜後始知群動妄，閑來還覺道心驚。  
問津久已慚沮溺，歸向東臯學耦耕。

僧齋

盡日僧齋不厭閒，獨餘春睡得相關。  
簷前水漲遂無

地，江外雲晴忽有山。遠客趁墟招渡急，舟人曬網得魚還。也知世事終無補，亦復心存出處間。

德山寺次壁間韻

乘興看山薄暮來，山僧迎客寺門開。  
雨昏碧草春申墓，雲捲青峰善卷臺。  
性愛煙霞終是僻，詩留名姓不須猜。  
岩根老衲成灰色，枯坐何年解結胎。

沅江晚泊二首

去時煙雨沅江暮，此日沅江暮雨歸。  
水漫遠沙村市改，泊依舊店主人非。  
草深解宇無官住，花落僧房自鳥啼。  
處處春光蕭索甚，正思荆棘掩巖扉。



春來客思獨蕭騷處處東田沒野蒿雷雨滿江喧日  
夜扁舟經月住風濤流民失業乘時橫原獸爭群薄  
暮號却憶鹿門栖隱地杖藜壺榼餉東臯

夜泊江思湖憶元明

扁舟泊近漁家晚茅屋深環柳港清雷雨驟開江霧  
散星河不動暮川平夢回客枕人千里月上春堤夜  
四更欲寄愁心無過鴈披衣坐聽野鷄鳴

睡起寫懷

江日熙熙春睡醒江雲飛盡楚山青閑觀物態皆生  
意靜悟天機入宦真道在險夷隨地樂心忘魚鳥自

流形未須更覓義唐事一曲滄浪擊壤聽

三山晚眺

南望長沙杳靄中鷺羊只在暮雲東天高雙櫓哀明  
月江闊千帆舞逆風花暗漸驚春事晚水悠應與客  
愁窮北飛亦有衡陽鴈上苑封書未易通

鷺羊山

福地相傳楚水阿三年春色兩經過羊亡但有初平  
石書罷誰籠道士鷺禮斗壇空松影靜步虛臺迥月  
明多巖房一宿猶綠薄遙憶開雲住薜蘿

泗洲寺

外集  
陽明先生文集卷二  
三  
淶水西頭泗洲寺經過轉眼又三年老僧熟認直呼  
姓笑我清癯只似前每有客來看宿處詩留佛壁作  
燈傳開軒掃榻還相慰慚愧維摩世外緣

再經武雲觀書林玉璣道士壁

碧山道士曾相約歸路還來宿武雲月滿僊臺依鶴  
侶書留蒼壁看鶯群春巖多雨林芳淡暗水穿花石  
溜分奔走連年家尚遠空餘魂夢到柴門

再過濂溪祠用前韻

曾向圖書識面真半生長自愧儒巾斯文久已無先  
覺聖世今應有逸民一自支離垂學術競將雕刻

費精神瞻依多少高山意水漫蓮池長綠蘋

陽明先生文錄卷之二

外集

卷之二

三

